

Messiam, alijs dicentibus, quia de Galilæa non venturus est, sed de Bethlehem domo Dauid. Ideo qui misi fuerant ut adduceret eum, testimonium doctrinæ eius perhibuerunt, dicentes, nunquam se audiuisse tales sic bene loquentem, ut Deus videretur cum eo loqui.

Reffonderunt ergo Pharisæi: Nunquid & vos seducti esis? Nunquid ex principiis aliquis creditit in eum, aut ex Pharisæis. Sed turba hæc, que non nouit legem, maledicti sunt.
 ¶ Dixit Nicodemus ad eos, ille qui venit ad eum nocte, ^{tSup.3.2.}
 qui unus erat ex ipsis: Nunquid lex nostra iudicat hominem, nisi prius audierit ab ipso, ¶ & cognoverit quid faciat? Reffonderunt, & dixerunt ei: Nunquid & tu Galileus es? ^{tDeut.17.b.&c.}
 ¶ Scrutare scripturas, & videi, quia à Galilæa propheta ^{19.d.} non surgit. Et reuersi sunt unusquisque in domum suam. ^{tSup.5.f.}

Ipsi odio & inuidia in Christum accensi, præiudiciū turbæ & simplicibus facere volunt, non debere eos credere Christo, quod ipi non crederent, qui peritiores in lege essent: atq; eo præiudicio Christū premunt ipsum, doctrinamque eius abiiciendam censentes, quod ipi in illum non crederent. Quod non serens Nicodemus occultus Christi discipulus, docet ex legis præscripto demandandum non esse Christū, nisi prius audiretur. Contra eum autē Pharisæi stolido se argumento tuentur, nempe quod Galilæus esset, sicut & Christus. Non legitur inquit in scripturis, oriturum ex Galilæa prophetam. Atqui mentiuntur illum Galileum esse, quem ex Bethlehem ante nasciturum, & postea ibidem natum sciebat, quanquam propter exactam in Galilæa ætatem iuxta Ioseph vaucinium vulgo Galilæus crederetur.

CAPUT OCTAVVM.

Occurrit Christus cautelis Iudæorum liberando adulteram, probando doctrinæ suæ veritatem & excellētiā, & seipsum veracem, illos autem mendaces, seipsum Abraham superiorē: unde commoti in illum, exiuit occulte de templo.

Pp 4 Iesu

†Leu.20.

a.

†3.q.8.

Qui sine peccato.

&c ca. Po-stulatus.

2.q.7. ca-no.

Ple-runque.

†3.q.8.

Qui sine peccato.

Postulat.

De pcc. dist.6.

Qui vult.

Deu.17.b

†50 dist.

cap. Pon-

deret.

Iesus autem perrexit in montem Oliueti, & diluculo iterum venit in templum, & omnis populus venit ad eum, & sedens docebat eos. Adducunt autem Scribae & Pharisæi mulierem in adulterio deprehensam, & statuerunt eam in medio, & dixerunt: Magister, hæc mulier modò deprehensa est in adulterio. In lege autem Moyses mandauit nobis huiusmodi lapidare. Tu ergo quid dicis? Hoc autem dicebant tentantes eum, ut possent accusare eum. † Iesus autem inclinans se deorsum, digito scribebat in terram. Cum ergo perseverarent interrogantes, erexit se, & dixit eis: Qui sine peccato est vestrum, primus in illam lapidem mittat, & iterum se inclinans, scribebat in terram. Audientes autem hæc, unus post alium exhibant, incipientes a senioribus, & remansit solus Iesus, & mulier in medio stans. Erigens autem se Iesus, dixit eis: Mulier, ubi sunt qui te accusabant? Nemo te condemnavit? Quæ dixit: Nemo domine. Dicit autem Iesus: Nec ego te condemnabo: vade, & iam amplius noli peccare.

Hanc historiam de muliere adultera multi codices antiqui Græcorum non habebant, quam neque Chrysostomus in Euangelijs Ioannis enarratione recenset; licet eius homil. 60. meminerit. Euthymius Græcus in collect. ex commentarijs Græcis hanc recitat. Cuius quidem nota est exppositio, in qua Pharisæorum malitia notatur, qui non legis studiosi, sed vt Christum constringerent, reumque transgressæ legis absoluendo mulierem, aut inhumanitatis eam condemnando arguerent. Iesus autem sic factum temperat, vt pudescatos Pharisæos ab accusatione mulieris arceat: ipse vero neque absoluat, neque absentibus accusatoribus damnet. Superant tandem explicanda aliqua, quæ non nihil à Græco differre videntur. Interpres habet: deprehensa est in adulterio, Græce est, ἡταρφάσω μοιχεύω μέν, id est, in ipso facinore adulterans deprehensa est, ita ut tergiuersari non possit. Quod vero aiunt: in lege Moyses mādauit huiusmodi lapidare: Leuit. 20. o. habetur, & Deuter. 22. vbi tamen de mortis genere, lapidatione scilicet, nihil habetur. Quod autem semel atque iterum inclinatus Iesus in terra scripsisse

plisse dicitur: quanquam quid scriperit ignoratur, nisi quia aliqui dicunt ipsum scripsisse: Terra terram accusat: tamen vero simile est occulta Pharisaeorum scripsisse flagitia. Vnde illi pudefacti abierunt, relicta muliere sola, vnum post alterum. Hoc autem loco, scilicet audientes autem, &c. Græca Aldi planè ita habent, vt interpres noster vertit: alij codices paulo secus habent. Nam post audientes, addunt: καὶ ὡς οὐκ εἰδότως, id est, redarguti à conscientia. Et post hunc locum, incipiētes à presbyteris & senioribus, addunt: ὡς τῷ ιχθύῳ, id est, usque ad nouissimos. Vbi verò interpres habet: erigens autem se Iesus, Græci addunt, καὶ μετέρα θασάμονος, τὸν τῆς γῆς, id est, & neminem intuitus, præter mulierem.

Iterum ergo locutus est eis Iesus, dicens: + Ego sum lux mundi. Qui sequitur me non ambulat in tenebris, sed habebit lumen vitæ. Dixerunt ergo ei Pharisei: Tu de teipso testimoniūm perhibes, testimoniūm tuūm non est verum. Respondit Iesus, & dixit eis: Et si ego testimoniūm perhibeo de meipso, verum est testimoniūm meūm: quia scio unde veni, & quo vado. Vos autem nescitis unde venio, aut quo vado.

Græci articulum addunt τὸ φῶς, id est, lux illa vera, de qua Ioan. i. dixit: Erat lux vera, illa scilicet, quæ illuminat omnem hominem venientem in hunc mundum. Hoc autem ait, vt in ignorantia ac peccati tenebris iacentes ad se, veram lucē sequendum excitet. Ob id autem increpantibus Pharisæis, non esse illi fidem adhibendam, quia de se testimoniūm ferret, ait. Et si testimoniūm perhibeo ego de meipso, verum est testimoniūm meūm. quasi dicat: Nolo ego vos premere meo viuius testimoniō, qui & patrem de me testantem, & scripturas etiam ipsas, & opera habeo quæ facio: quanquam si meo testimoniō vrgere vos velle, verum est testimoniūm meūm. Probat autem hinc verum esse: quia scio unde venio, & quo vado, id est, scio me à deo patre verū Deū exiisse, & rursum uti Deum ac verum hominem ad eū redire. Deus autem falli non potest, nec mētiri. Sed quomodo inquires stare potest, quod nunc ait, cum eo quod I.ca. dixit: Si ego testimoniūm fero de meipso, testimoniūm

CAP. VIII. EVANGELIVM

nium meum non est verum? Dicendum quod 5. cap. loquitur ut homo purus: hominis autem puri testimonium de se recipi non solet: hic autem loquitur ut homo ac Deus, ideo subdit: quia scio unde veni.

Vos secundum carnem iudicatis.

Hoc est, ut inquit Chrysostomus: Ego cum sim Deus, non nisi vere iudicare de me possum: vos autem qui carnales estis, secundum carnem, id est, secundum carnalem apparentiam, & externam faciem iudicatis, hominem me purum arbitrantes: atque ideo meum de meipso testimonium reiijcentes.

Ego non iudico quenquam: & si ego iudico, iudicium meum

[†]Deu.17. verum est, quia solus non sum, sed ego, & qui misit me pater.

b. &c 19.b. Et in lege vestra scriptum est: [†]Quia duorum hominum

[†]Mat.18. testimonium verum est. [†]Ego sum qui testimonium per-

b. hibeo de meipso, & testimonium perhibet de me, qui misit

me pater. Dicebant ergo ei: Vbi est pater tuus?

^{13.2.} Hoc interpretatur Chrysostomus, quasi dixissent Iu-

Heb.10.c dei: si nos non recte iudicamus, cur nos non punis? cur

2.q.4.c.1. non danas? Quibus respondet Christus: Ego non iudi-

[†]Dist.ca. co quenquam, id est, non ad hoc veni primo aduentu meo

In omni. in mundum, ut iudicem mundum, sed saluem: quanquam

si iudicare, verum esset iudicium meum, quia non solus ego, sed qui misit me pater, tecum iudicat, quem negare non potestis infallibilem iudicem. Sicut meum de me testimonium verum est, quia non solus ego testimonium de me fero, sed pater qui misit me: quia si ita in lege vestra scriptum est: duorum hominum testimonium verum est: multo magis duorum, qui omnibus hominibus superiores sunt.

[†] Matth. Respondit Jesus: [†]Neque me scitis, neque patrem meum.

11.d. Si me sciretis, forsitan & patrem meum sciretis. Haec vera-

Luc.10.d balocutus est Jesus in gazzophylacio, docens in templo. [†]Et

[†]Sup.7.g nemo apprehendit eum, quia necdum venerat hora eius.

Videntur haec contradicere ei quod dixit 7. cap. Et me scitis, & unde sim scitis. Euthymius ex Græcis interpretatur, nescitis, id est, nescire simulatis. Nam in veritate inquit,

inquit, nos tis. Chrysostomus interpretatur nosse Christum & patrem, est approbare & honorare. Neque nō uisit inquit, ut oportet agnoscere: quia si cognosceretis & honoraretis, etiam me cognosceretis. Nunc autē quia me nescitis, neque honoratis, illum quoque nescitis, neque honoratis. Præcedentem verò locum: Vbi est pater tuus? quidam inquit Chrysostomus, ad iniuriam & proximum dici putant à Iudeis, qui ei exprobrarant, quasi ex fornicatione natus esset. Alij, quod̄ Ioseph vilem esse putabant & abieciūt. Ideoq; dicebant: Vbi est ille pater tuus, quasi dicerent: Obscurus est & ignobilis, qui tantopere eum iactas: dissimulabant enim intelligi à Christo, Deum patrem esse suum.

Dixit ergo iterum eis Iesus: Ego vado, & queretis me, & in peccato vestro moriemini. Quo ego vado, vos non potestis venire. Dicebant ergo Iudei: Nunquid interficiet semetipsum, quia dicit: Quo ego vado, vos non potestis venire? Et dicebat eis: Vos de deo sum etis, ego de supernis sum. Vos de mundo hoc etis, ego non sum de hoc mundo. Dixi ergo vobis, quia moriemini in peccatis vestris. Si enim non credideritis quia ego sum, moriemini in peccato vestro.

Vado, his locis, quo s̄apius utitur ē H R I S T V S, significat spontaneam eius abitionem in mortem, quasi dicat: ne putetis quod̄ ego pro mundo moriturus sum, vestrum tantum esse opus, ego enim sponte in mortem vado, non vos me ducitis: & quia nunc me abijcitis, futurum est ut absentem queratis, nec interim inueniatis, id est, in obstinato vestro in me meosque odio (nec enim desierunt post ē H R I S T I mortem eum persequi in membris suis) aut in infidelitate vestra. Potest etiam intelligi pro, ego vado, ego vado ad patrem per mortem & ascensionem: cumq; abiero, vosque futura mala premere cceperint, queretis me auxiliatorem. Alij interpretantur: queretis me, ad mortem persequendo me in meis membris. Quo autem ego vado, id est, ad patris gloriam, quo per mortem & ascensionem propero, venire non potestis. Quod ē H R I S T I verbum non intelligentes Iudei, arbitrati sunt per h̄ac verba, quo ego vado, eum locutum

CAP. VIIII. EVANGELIVM

cutum esse de intersectione sui. Quibus respondit Christus: Vos de deo sum estis, ego de supernis. quasi dicat: nihil mirum si intelligere non potestis quod dixi vobis: quo ego vado. Nam ego qui de supernis sum, id est, exiui à patre, & de celo descendii, nō nisi cœlestia possum loqui, & sublimia: vos autem qui de deo sum estis, hoc est, carnales, animales, mundani, non nisi infima & carnalia loqui potestis. Quod autem prædictum: moriemini in peccatis vestris: ne ad desperationem eos adducat, ostendit penes vros illos esse causam mortis. Si enim nō credideritis quia ego sum, Messias scilicet vester & salvator, in peccato vestro, seu in peccatis vestris, vt Græca habent, moriemini, scilicet in infidelitate & oblatione.

Dicebant ergo ei: Tu quis es? Dixit ei Iesus: Principium, qui & loquor vobis.

Diuus August. scilicet & Ambrosius interpretantur: Ego sum rerum omnium principium: nempe in quo Deus omnia fecit, vt scribitur Genesi. In principio creauit Deus celum & terram. Nā sicut pater principium rerū omnium dicitur, tanquam causa & origo, sic & filius, quod per eum omnia pater fecerit. Tamen Græca seculis habent, ita nempe, τὸν ἀρχὴν, ὅτι καὶ λαλῶ μήτε: ubi τὸν ἀρχὴν, pro καὶ τὸν ἀρχὴν, id est, principio, sive à principio sumitur: & tunc ordinanda est lectio, interrogantibus Iudeis Christum: Tu quis es? Sum id quod à principio vobis loquor, ac toties inculco ac repeto, nempe panis vitae, panis viuus, qui de celo descendii, lux mundi, de quibus & similibus suprà 6. & 7. locutus est capitulis.

Multa habeo de vobis loqui & iudicare, sed qui me misit, verax est, & ego que audiui ab eo, haec loquor in mundo. Et non cognoverunt, quia patrem eius dicebat Deum.

Græca, οὐδὲ ἔχει περὶ ἡμῶν λαλέν καὶ χριστόν, id est, multa de vobis possem dicere, ac in multis vos accusare, sive iudicare, damnare (nam vtrunq; xp̄f̄s significat) quippe qui sum is, cui pater omne iudicium dedit: sed qui misit me pater, verax est & iustus, ei vos ego relinquo iudicandos, illi doctrinam meam, quam vos reiiciatis,

tis, explorandam relinquo: quippe quia ego loquor quæ ab eo audiui. Et non cognoverunt inquit, quia patrem suum dicebat Deum: Græci non addunt Deum, quamquam Græci de eo intelligent. Est itaque sensus: Non cognoverunt, cùm diceret: qui misit me: quòd de patre eis loqueretur.

Dixit eis Iesus: Cùm exaltaueritis filium hominis, tunc cognoscetis quia ego sum, & à meis facio nihil, sed sicut dicit me pater, hæc loquor: & qui me misit, mecum est, & non reliquit me solum, quia ego, quæ placita sunt ei, facio semper. Hæc illo loquente, multi crediderunt in eum.

Cùm exaltaueritis, id est, morte crucis affeceritis: tūc enim ad literam exaltatus est in aëre, & verè etiam exaltatus, id est, in summum dignitatis gradum assumptus est, sicut testatur Paulus ad Hebr. 2. Eum autem qui modesto, quām angeli minoratus est, videmus Iesum propter passionem mortis gloria & honore coronatū. Ignominiosissima enim morte, qua deiectum iri Christum, eius; nomen extinctum iri Iudæi putabant, ea maximè exaltatum reddiderunt, non sua, sed patris gratia, testante Paul. Phil. 2. Humiliavit se metipsum, factus obediens usque ad mortem, mortem autem crucis: propter quod & Deus exaltauit illum. Cùm ergo inquit Christus, filium hominis, me scilicet vilem & abiectum vestra quidem opinione oppresseritis & extinxeritis, re autem vera, sed præter opinionem vestram exaltaueritis, tunc cognoscetis quia ego sum. Quidam interpretantur, quia ego sum Dei filius, panis vita, lux mundi, & similia. At cum textus nihil horum habeat, & vnicuique supplerere licet pro suo arbitratu, mihi simplicius sumendum videatur: Ego sum verus Deus. quasi dicat: cognoscetis me, quem contemptui habuistis, verum Deum esse. Ut autem sic interpretetur, adducor, eo quòd ad unum Deum spectat dicere: Ego sum. Et interroganti Moysi Deum quod esset nomen eius, respondit Dominus: Ego sum qui sum. Et: Si dices filiis Israël. Qui est, misit me ad vos. Cùm ergo exaltaueritis filium hominis, tunc cognoscetis quòd ego sum, id est, agnoscetis me verum Deum, Deiq; filium. Sic enim scribit Matthæus: Centurio, & qui

CAP. VIII. EVANGELIVM

qui cum eo erant, viso terræmotu, & his quæ siebant, timuerunt valde, dicentes : Verè filius Dei erat iste. Post exaltationem quoque Christi, id est, eius mortem & resurrectionem (vtrungq; enim eius exaltatio est, vt testatur Paulus Rom.1.) declaratus est filius Dei, ex eo quod à mortuis resurrexit. Quod si tunc cognituri sint quod Christus verè Deus Dei; filius erat, cognituri sunt etiam, quod à seipso solo nihil, sed omnia ex patris prescripto & voluntate ficeret.

† De pœ- Dicebat ergo Iesus ad eos qui crediderunt ei, Iudeos : † Si ni. dist. 4. vos manseritis in sermone meo, verè discipuli mei eritis, & Si ex bo- cognoscetis veritatem, veritas liberabit vos. Responderunt ei: Semen Abrahæ sumus, & nemini seruuiimus vñquam: quomodo tu dicas, liberi eritis? Respondit eis Iesus : Amen

† Ro. 6. c. amen dico vobis, quia omnis † qui facit peccatum, seruus est peccati.

2. Pet. 2.d. **2.q. 7. ca.** Secuti sunt. Quia vt paulo antè dixit : multi in eum crediderant : sed quia multi erant, qui cùm ad tempus credidissent, verbis eius offensi, quia animales erant, nec ea capere poterant, abibant retrosum, vt suprà cap. 6. dictum est: docet non satis esse fidem, nisi in ea perseverauerint. Quod si perseverarint, veros fore eius discipulos, & veritatem agnituros, quæ ipsos ab omni errore peccati & ignorantiae protinus liberos reddat. Et veritas inquit, liberabit vos. Quod verbum Iudæi carnaliter intelligentes, de seruitute corporali & legali respondent : Nemini seruuiimus vñquam: Semen Abrahæ sumus, quasi dicat : Semini Abrahæ regnum promissum est perpetuo duraturum: quomodo ergo nos seruos appellas, cùm dicis nos per veritatem in libertatem afferendos? Christus docet aliam esse seruitutis rationem, quæ sit per peccatum: quia qui facit peccatum, seruus est peccati. Cui enim teste

¶ Ro. 6.c. Paulo, ¶ nos exhibemus seruos ad obediendum, eius serui sumus, siue peccati ad mortem, siue obediitionis ad iustitiam.

Seruus autem non manet in domo in æternum, filius autem manet in æternum. Si ergo vos filius liberauerit, verè liberi eritis. Scio quia filii Abrahæ estis, sed quereritis me interficere, quia sermo meus non capitis in verbis. Ego quod vidi,

apud

apud patrem loquer, & vos que vidistis, apud patrem verum facitis. Responderunt, & dixerunt ei: Pater noster Abraham est.

Cum prædixissent Iudei se semen Abrahæ, id est, de domo ac familia & genere Abrahæ, atque ideo minimè seruos, Christus autem docuisset alia ratione eos esse seruos, scilicet seruos peccati, subdit Christus: Seruus autem non manet in domo in æternum, quasi dicat: cum Paulo. ¶ Neque omnes qui semen sunt Abrahæ, omnes filii, sed serui multi, quia peccato seruiunt. Seruus autem non est perpetuò de domo & familia, sed ejicitur, quoties Domino placet. Itaque quanquam vos genus & semen Abrahæ iactatis, si serui peccati esse perseveratis, ejiciet vos è cœlesti familia verus Abraham, à qua verus filius ejici non potest, quia manet in æternum. Illi ergo fidem habetote, vt vos à seruitute peccati in libertatem afferat iustitia. Nam si vos filius liberaverit, verè liberi eritis. Scio equidem quòd Abraham filij estis, at carne tantum, non spiritu, fideique eius imitatione: quia innoxium me, quem tantopere Abraham videre optauit, interficere quæreris: quia sermo meus non capit in vobis, Græcè, οὐ χωρᾷ, quod significat capere, percipere, procedere, & progreedi, quomodo fortasse sumi potest: sermo meus οὐ χωρᾷ, id est, non procedit, neque progreditur in vobis, hoc est, non proficit. Sed vereor ne non id significet τὸ χωρῶν: quapropter aut arbitror Ioannem scripsisse χωρῆται, aut τὸ χωρᾶ absolutè positum, proχωρῆται, quomodo nonnulla actiua absolute ponuntur pro passim, vt κατα-
τρέφω, quod significat finem alicui rei dare aut facere: similiter aliquando desinere. De quo vide commenta. Budæi. pag. 609. Certè Theophylactus passiuè interpretatur, inquit enim: εἴτε ἵνα μὴ ἔχωι λέγετ, ὅτι δι-
κάσως δὲ οὐτέμεν ἀποστέναι, τίθει τὸν ἀλτίαν. οὐ γὰρ δι-
κάσο, φησι, λαθόετε κατάτιμο, εἰ μὴ διὰ τὸ τὸν λόγον τὸν
ιδίον ὑφιλότερον εἶναι: τῆς ὑμῶν διανοίας, καθαύ μὴ χωρῆτὸν
ιεῖν, id est, Deinde ne dicere possent, iure te interfici-
cere volumus, causam addit: Non alia ratione inquit,
aduersum me rabie agimini, nisi quia sermo meus vestro
intellectu ac cogitatione sublimior est ac superior, neq;
 avo-

¶ Ro. 9. b

CAP. VIII. EVANGELIVM

à vobis capi potest. Ne verò diceret: sermonem tuū cōpere non possumus , quippe qui à Deo non est : afferit ea se tantum loqui, quæ apud patrem suum Deum videbit, sicut & ille qui habet patrem suum diabolum , quæ diaboli sunt loquitur.

† De pœnit. dist. i. Nunc autem queritur me interficere hominem, qui veritatem vobis locutus sum, quam audiui à Deo. Hoc Abraham non fecit. Vos facitis opera patris vestri. Dixerunt itaque ei : Nos ex fornicatione non sumus nati. Vnum patrem habemus Deum. Dixit ergo eis Iesus : Si Deus pater vester esset, diligaretis utique me . Ego enim ex Deo processi & veni : neque enim à me ipso veni, sed ille me misit. Quare loquelas meas non cognoscitis ? Quia non potestis audire sermonem meum.

De duabus eos conuincit: primùm, quod patrē suū iactarent Abraham: deinde, quod Deum, & neutrius veros ac spirituales illos filios esse, quod contraria Deo & Abraham faciant. Primo, quod non Abraham, quod eius opera non faciant, quæ secundum Chrysostomum sunt fides, obedientia, mansuetudo. Opera verò eorum infidelitas, impietas, & crudelitas. Secundo, quod non filij Dei: nam si Deus pater vester esset, quem etiam patrem meum semper dixi, & iterum dico, diligaretis me tanquam fratrem vestrum. At cōtrà vos semper odistis Dei filium, & innoxium ad mortem petitis : & quia me odio prosequimini, & sermonem meum non agnoscitis, quia

+1.Ioā.3.b ipsum non auditis.

† De pœnit. dist. i. capite. Resuscitatus. † Vos ex patre diabolo estis, & desideria patris vestri vultis facere. † Ille homicida erat ab initio, & in veritate non stetit: quia non est veritas in eo. Cūm loquitur mēdaciūm, ex proprijs loquitur: quia mendax est, & pater eius . Ego autem si veritatem dico, non creditis mihi. † Quis ex vobis arguet me de peccato? Si veritatem dico vobis, quare non creditis mihi? † Qui ex Deo est, verba Dei audit: propterea vos non auditis, quia ex Deo non estis.

+1.Ioan. 4.2. Ab imitatione diaboli filios illos ostendit: quia sicut ille per peccatum toti orbi mortem inuexit spiritualem, tanto-

tanto homicida verior , quanto verior est mors animæ , quām corporis : & sicut ille veritatem auersatur , ita & ipsi vera dicenti credere nolunt , amantq[ue] mendacium more diaboli , qui mendax est , & pater eius . Vbi rō eius non refutat ad diabolum , qui patrem non habet , sed ad rō tūs , quod paulo ante præcessit , eius , scilicet mendacij . Dicitur autem mendacij pater , id est , inuentor & author ipsius , quod Euæ persuasit .

Responderunt ergo Iudei , & dixerunt ei : Nōnne bene dicimus nos , quia Samaritanus es tu , & demonium habes ? † Sup. 4.c

Respondit Iesus : Ego dæmonium non habeo , sed honorifico patrem meum , & vos inhonoraſtis me . Ego non quero gloriam meam , est qui querat , & iudicet . Amen amen dico vobis , si quis sermonem meum seruauerit , mortem non vi debit in æternum . Nunc cognouimus quia dæmonium habes . Abraham mortuus est , & prophete , & tu dicas : Si quis sermonem meum seruauerit , non gustabit mortem in æternum .

Tan odiosi erant etiam præ alijs gentibus Samaritani Iudei , vt Samaritani nomen in contumelie vocabulum verterant . Christus verò , quod reuera odiosum illi no[n] erat , ignominiosum non dicit , neque ad illam iniuriam respondet , alioqui reuera Samaritanus , iuxta verbi interpretationem , id est , custos hominum , & seruator erat . Ad aliam verò iniuriam respondit , se dæmonium non habere , sed patrem honorare , neque suam , sed patris gloriam querere .

Nunquid tu maior es patre nostro Abraham , qui mortuus est , & prophetæ mortui sunt ? Quem te ipsum facis ? Respondit Iesus : Si ego glorifico meipsum , gloria mea nihil est . Est pater meus qui glorificat me , quem vos dicitis quia Deus noster est , & non cognouistis eum : t[em]p[er]e autem noui eum . † Sup. 7.d
Et si dixeris quia non scio eum , ero similis vobis mendax . Sed scio eum , & sermonem eius seruo .

Quia dixerat Christus futurum , vt qui sermonem eius seruerint , in æternum mortem non viderent , obijciunt illi Abraham mortuum , quasi se eo superiorem

CAP. IX. EVANGELIVM

vellet facere. Sed male argumentabantur, neque enim Christus dixit; non gustabit mortem: sed, non gustabit in æternum. Neque enim Abraham mortem gustauit in æternum, sed ad finū patrum anima eius deducta, & inde ad gloriam, ad vitam autem postremō immortalem corpore & anima suscitandus.

Abraham pater vester exultauit ut videret diem meum, vidit, & gauisus est. Dixerunt ergo Iudei ad eum. Quinquaginta annos nondum habes, & Abraham vidiisti.

Græci exponunt diem pro die passionis Christi, quē vidit præfiguratum & adumbratum in die quo filium suum Isaac obtulit in holocaustum. Didicit enim inquit, quod sicut ipse non pepercit filio suo dilecto propter Deum, ita neque Deus parcitus esset dilecto filio suo propter hominem. Alij dicunt, quod hic dies pro totum tempore aduentus Christi sumitur, quem Abraham viderit in spiritu, dum in semine Christo benedicendas omnes gentes vidit & credidit. Alij intelligunt diem æternitatis & diuinitatis Christi, quem viderit, intelligens ab æterno ipsum esse Deum, Deique filium.

Dixit eis Iesus: Amen amen dico vobis, antequam Abraham fieret, ego sum. ¶ Tulerunt ergo lapides ut iacerent in aduersitas eum. Iesus autem abscondit se, & exiuit de templo.

Non ait, inquit Chrysostomus, eram, sed sum, eiusmodi verbum Deo conuenit, eo quod perpetuus sit atque sempiternus. Quibus auditis sustulerunt lapides ut eum tanquam blasphemum lapidarent. Ipse autem non ut timidus, sed quia nondum venerata hora eius se abscondit, & ut dicit August. quia veritas fugit superbos & mendaces, & abscondit se illis: humiles autem sequitur, & manifestat se illis.

CAPUT NON V.

Cœciani à Christo illuminati miraculum Iudei calumniantur, quod cœcus cum parentibus tueretur, & ideo extra synagogam ejicitur, sed à Christo edocendus suscipitur.

Et